

Za kogo jo drogowanje?

Za wšykných wót 16 lět – kótarež njekšě rěc jano wuknuš, ale nałožowaš a kšě se dalej wuwijaš.

W drogowanju zalicone su :

- ✓ 4-dnjowny program inkl. wulěty, wježenja a pšednoski
- ✓ Pšenocowanje w chóšebuskej młodowni
- ✓ Transport k celam
- ✓ Zastupy a informaciske materiale

Coš sobu pšís?

Pón pšizjaw se ned **až do 31.08.2025**
pla Šule za dolnoserbšku rěc a kulturu
pód (0355) 792829 abo
post@sorbische-wendische-sprachschule.de

pšigranjańskej partnerce:
Šarlota Kušcyc, Uta Henšelowa

Wobžělujuce njasu jano kosty za samostatne
zažarbowanje.

Schule für Niedersorbische Sprache und Kultur

Šula za dolnoserbšku rěc a kulturu
Sielower Str. 37/Žylojska droga 37
03044 Cottbus/Chóšebuz



Träger: Stadtverwaltung Cottbus/Chóšebuz
Gefördert von der Stiftung für das sorbische Volk/Založba za serbski lud, die jährlich auf der Grundlage der von den Abgeordneten des Deutschen Bundestages, des Landtages Brandenburg und des Sächsischen Landtages beschlossene Haushalte Zuwendungen aus Steuermitteln erhält und vom Landkreis Spree-Neiße/Wokrejs Sprjewja-Nysa

Projekt se spěchujo ze srědkami wót zagronitego
zwězkowego kněžařstwa za kulturu a medije a teke wót
ministrařstwa za wědomnošć, slěženje a kulturu kraja
Bramborska./Das Projekt wird gefördert mit Mitteln des
Beauftragten der Bundesregierung für Kultur und
Medien und des Ministeriums für Wissenschaft,
Forschung und Kultur des Landes Brandenburg.



Der Beauftragte der Bundesregierung
für Kultur und Medien



LAND
BRANDENBURG
Ministerium für Wissenschaft,
Forschung und Kultur

Titelfoto: Peter Becker

Drogowanje pšez Dolnu Łužycu Eine Reise durch die Lausitz

W styrich dnjach pšez
dolnoserbški swět



Rěcne a kulturne drogowanje w serbskich
sedlišćowych stronach Dolneje Łužyce

24.09.25 – 28.09.25



Šula za dolnoserbšku rěc a kulturu

Wupóraj se na styri-dnjowne drogowanje pšez dolnoserbske sedlišćowe strony ze Šulu za dolnoserbsku rěc a kulturu – jadnorazna kombinacija z rěcneje prakse, kulturelnych dožywjenjow a intenziwneje wuměny.

Co caka na tebjje?

Kuždy žėń drugi wokrejs – druge zašišće :

- Kuždy žėń jo drugi wokrejs sedlišćowych stronow cel drogowanja – lěc su to Lědy, Lubin, Popojce abo Chóšebuz

Nałožowanje rěcy w awtentiskem wobswěse

- Pódtym swóje rěcne znajobności pšez imersiwny rěcny wobswět, pšez interaktiwne rěcne jednotki a rozgrona we wšednem dnju.

Zanurjenje do kultury a stawiznow

- Woglědaj do serbskich kulturnych institucijow, wuslěž serbske stawizny a nadež regionalne nałogi.

Wuknjenje w zgromadności:

- Ty sy žěl motiwěrowaneje kupki – gromaže wuknuš, spiwaš a nadejš!

Dožyw dolnoserbsku rěc we wšednem dnju – intenziwnje, kompaktnje a ze wšyknymi zmysłami.

Pšizjaw se něnto a zawěsc se swójo městno!

Wótběg drogowanja:

srjodu 24.09.2025 – zachopk, zeg. 18:00

- Serbske blido z referentom Luka Golinski w Serbskem muzeju

stwórtek 25.09.2025

žėń wokrejsa Górne Błota-Łužyca

wót zeg. 8:00 až do zeg. 20:00

- Cołnowanje wót Lubnjowa na Lědy a zasej slědk
- Wježenje na Lědach w muzeju pód gołym njebjom
- Wježenje pšez jamu F60 w Swětlem-Šachlejcach
- Wobchóženje Złego Komorowa ze zagroniteju za nastupności Serbow
- Zgromadne spiwanje ze zlykomorojskeju pšězu

pětk 26.09.2025

žėń wokrejsa Dubja Błota

wót zeg. 08:00 až do zeg. 18:00

- Wježenje pšez specialne lěgwo c. 6 w Jemjelnicy
- Woglěd wustajeńce pód gołym njebjom „Słowjany a Nimce. Kněstwo Luboraz a relikty reformacije “ w Luborazu
- Woglěd do młyna za lany wólej w Tšupcu
- Wježenje w muzeju grod Lubin a wobchóženje pšez město

sobotu 27.09.2025

žėń wokrejsa Sprjewja-Nysa

wót zeg. 09:00 až do zeg. 19:00

- Wježenje w Serbsko-nimskem domowniskem muzeju Janšojce
- Workshop k módrošišćoju
- Woglěd domowinskego zarědowanja „Superkokot“ w Popojcach
- Woglěd do cerkwje w Brjazynje a spiwanje serbskich kjarližow

nježelu 28.09.2025

žėń města Chóšebuz a dokóncenje

wót zeg. 08:30 až do zeg. 16:00

- Woglěd do šlodarnje a rozgrono wó burskej drastwje
- Ducej pó serbskich slědach w Chóšebuzu
- Woglěd do Serbskeje cerkwje a pšednosk wó serbskem cerkwinskem žywjenu

Změny su móžne!

